



Legia Catholica

Robertii, Johannes

Leodii, 1633

77. Ioannes de Arkel.

[urn:nbn:de:hbz:466:1-64596](#)

dienses Catholicos reliquit, ut
semper, & quales illos inue-
nirat.

LXXVII. IOANNES
DE ARKEL.

Sacerdotes, quos Seculares
dicimus, huius Episcopi tem-
pore, Leodij de Dæmonibus
triumpharunt. Ingens multi-
tudo virorum atq; mulierum è
superioribus Germaniæ parti-
bus, anno 1374. in Belgium
descendit, à Diabolis obsessa,
& infessa. Hi cum per Aquis-
granum, & Traiectum, tandem
Leodium appulissent, Ciuita-
tem terrore, & magnorum ma-
lorum expectatione, impleue-
runt.

Seminudi discurrebant, sertis
capita cincti, & choreas, non
modo in plateis; sed & in Ec-
clesijs

clesijs, & domibus, ductitantes,
& clamantes se grauiter à Dæ-
monibus excruciali: Ad multa
iam millia (dictu quoque hor-
rendum) excreuerant: & fie-
bat in dies maior accessio. Ple-
riue ita iudicabant, non recte
ab impuris Sacerdotibus Secu-
latibus, Baptismi aquis lu-
stratos.

Sed ut ostenderet Deus, Sa-
cramentorum vim. & efficien-
tiam, à Ministrorum probitate
minimè pendere: per eos ipflos,
Diabolos exuti voluit, & mi-
seros homines liberari, qui ca-
lumniam patiebantur. Nam cū
Monachi, & Religiosi nihil eâ
in re, quantumuis conarentur,
efficere possent; ij, quos dixi,
Sacerdotes, stolis ritè ornati,
Ecclesiæ sacris Exorcismis, &
aquâ Benedictâ propinatâ, re-
citato-

citatoque sacro Euangelio, iniustos possessores domicilijs non suis eiecerunt. Paulatim id factum: sed non cessatum, donec totum illud Satanæ ludibriū sublatum est, non sine Ecclesiæ Leodiensis, ciusque Sacerdotum ingenti gloriâ.

Sub hoc tempus, grauissimum schisma in Ecclesiâ Romanâ oritur, quo annos ipsos 40. miserrime scissa, & afflita est. Vrbano sexto Pontifici legitimo, opponunt Schismatici Antipapam, qui se Clementem septimum nominabat. Leodiensis Ecclesia pluribus Regnis, & Provincijs schismatico adhaerentibus, in officio mansit, & Vrbanum, ut decebat, agnouit, ut ex ipsius Vrbani litteris, ad Ecclesiam Leodiensem, vacante Sede, datis, clare constat.

LXXVIII.